

در سعادتده باب عالی جاده سنده
اداره مخصوصه
محل اداره:

مسائل فقیر

۱۳۲۶

مسائل فقیر موافق آثار جدید مع المنهجیه
قبول اولنور
درج ابدلین آثار اعاده اولغاز

دین، فلسفه، ادبیات، حقوق - علوم دین باحث هفته لقا رساله در

مؤسسه لری : اوالعلا زین العابدین - ح . اشرف ادیب

سنه لکی	القی آیانی	درسه دنده
۶۰	۲۰	ولا یاتده
۸۰	۴۰	ملاک اجنبیه ده
۸۰	۴۰	

تاریخ تاسیسی :
۱۱ نمرز ۳۲۴

در سعادتده نسخه سی ۵۰ پاره در

قیرلادن مقوا بورو ایله کوندریلیسه سنوی
۲۰ فروش فضله آلنیر

در سعادتده بوسته ایله کوندریلیسه ولایات بدلی اخذ اولنور.

اونلر بویله بیابان وحشته قالان سفهلردر، اونلر بویله ظلمتلر ایچنده پویان اولان منافقلردر. اونلره نه بر قمرک ضیای رنگینی راهبر اولور، نه بر فجر آتینک طلوعی. بونلر فورطنه لی، مظلم، دهشتناک برشب یلدا ی ابدینک محکوم قهریدرلر. (یکادالبرق یخطف ابصارهم کذا اضاء لهم مشوا فيه واذا اظلم عليهم قاموا) اونلر ایچون رهبر، اونلر ایچون ضیا ییلدی رملردر؛ مدهش بر عذاب وجدانی ایچنده طی مراحل ایدرلر، صاعقه لر آلتده یورورلر؛ کوزلرنده نور قالمش، شمشکلر چاقدقه بر آدیم آتارلر، صوکراینه ظلمتده قاهر ق خائب وخاسر سنده لرلر.

ایشته اونلر بویله بر صاعقلق و عمی ایلر کرداب عذاب سور و کثیورلر. (ولو شاء الله لذهب بسمعهم وابصارهم ان الله على كل شیء قدير) اکر الله (جل شانہ) دیلسه یدی اونلرک بوباطنی صاعقلق و کورلکلرینی ظاهر آده ویرردی. الله عظیم الشان هر شئیته قادردر.

(يا ايها الناس اعبدوا ربكم الذي خلقكم والذين من قبلكم لعلكم تتقون) ای چشان وجودی کبی دیده بصیرتی ده روشن قولرم، سز اونلر کبی اولمایکز، ربکزه، سزی وسزدن اولکیلری یوقدن وار ایدن رب ذوالجلالکزه عبادت ایدیکز، حقیقتدن آیریلما یکز، سزک ایچون اتقا، فلاح وسعادت مأمولدر...
ابوالعرف

تِلْخُشْخُشْ

یاد ماضی

مقاطعه سی اسهامنک هر سهمی دردر کیسه فائض اولق اوزره یوز یکر می بش تام سهم ترتیندن بر سهم ایلر نظارت فله وتوابعی مقاطعه سی اسهامنک هر سهمی دردر کیسه فائض اولق اوزره التی تام سهمدن بر سهمک ربع حصه سنی بوجه مالکانه متصرفلری فلان بن فلان وفلانه بنت فلانه دن پدرمک تفرغ ایلدیکی صدرین محترمین امضالریله ممضی حجت شرعیده افاده اولندیغی خصوصنی، و دیگری استانبول وتوابعی امتعه کرکندن بهر بش کیسه سی بر سهم اولق اوزره درتیوز تام سهمدن بر سهمی بلمزایده مرحومک عهده سنده تقرر ایتدیکنی متضمن بولنشدر.

بز ایکی قرن داش رفاه حال ایلر کولوب اوینایور و اقران و امثالنر ایچنده ناز و نیاز ایلر بیویور ایدک. اوکی پدر اؤک ایچنده اتابکلک معامله سی ایدر و اخلاقی پدر اوتده بریده کوردکجه بزله یادکار اخوت نظر شفقتیه باقرق الثفات و نوازشرینی دریغ ایتزلر ایدی. بوجه تله لذت پدر نعمت بلنددن محرومیتزدن بشقه بر نقصانمز یوق کبی کورینور ایدی.

شداندن بعض مرتبه اضطراب رونمون اولان ایام شتا بر فیض

السفهاء؟) آنلره: «هرکسک حقیقتی قبول ایتدیکی کبی سزده طوغرو یوله کلک، ایمان ایدک، بوخبر ویریلن شیلره اینانک» دیندیکی وقت، دیرلرک: «ایمان می ایدم؟ او عقلنر جاهلر کبی بویله شیلره بزده می اینانه؟». (الا انهم هم السفهاء ولكن لا یلمون) ای بیلکزکه اصل عقلنر، فکر سز سفهلر اونلردر؛ فقط نه فائده که بونی تقدیر ایدمزلر.

(واذا لقوا الذين آمنوا قالوا: آمنا، واذا خلو الى شياطينهم قالو: انا معكم انما نحن مستهزؤن) صاف، حقیقی بر مؤمن ایلر کوروشدکلری وقت: «بزده مؤمنز، ایمان ایتشزدر» دیرلر، همباری اولان شیطانلرله یالکز قالنجهده: «بز سزکله برابرز؛ مؤمنلره قارشى بزم او معامله مز، اونلرله استهزادر، الایدر» دیورلر. (الله یستهزیء بهم ویعدهم فی طغیانهم یعمهون) فقط ای بیلسونلرکه الله اونلرله استهزا ایدر. وادی ضلالتده سور و کثمنه لرینی تمید ایدر.

(اولئك الذين اشتروا الضلالة بالهدى فجارحت تجارتهم وما كانوا مهتدين) آنلر اوله بر طاقم حقادرکه هدایت وسعادت بدل ضلالتی اشترا ایدرلر؛ پاره ویره رک، بتون موجودیتله چالیشهرق کنه قازانیرلر. فقط بوتجارتدن بر خیر مفقود، بوقازانچدن بر فائده یوق، بویله یایمقله مظهر هدایت اوله مازلر.

(مثلهم كمثل الذي استوقد نارا فلما اضاءت ما حوله ذهب الله بنورهم وتركهم فی ظلمات لا یبصرون) بیلر میسکز، اونلر نصل آدملردر؟ سزه تشبیه ایدیم: هانیا بعض قافلر صحراده، قورقولو بیابانده آتش یاقارلر، وقتاکه آتش اطرافی آیدینلاقمه باشلار، الله آتیش نورینی، ضیاسنی آلهرق آنلری ظلمتده براقیر. هیچ بر طرفی کورمیه رک خائب وخاسر قالیرلر... ایشته بونلرده طبق بویله در، چالیشیرلر، چالارلر، صوکنده خیت وخسرانه محکوم اولورلر. بونلر اوقدر سرسم مخلوقلردرکه (صم بکم عمی فهم لا يرجعون) قولقلری طیقاعش، هیچ حقیقتی ایشتمزلر.. دیلری طوتولش، هیچ طوغرونی سویلمزلر.. کوزلری کورلشمش، هیچ حق فرق ایتزلر... آرتق بونلردن بر خیر، برندامت اومولماز؛ بونلر بویله حشر اولوب کیده جکلر.

یاخود باشقه درلو تشبیه ایدیم: (اوکصب من السماء فی ظلمات ورعد وبرق یجملون اصابعهم فی آذانهم من الصواعق حذر الموت والله محیط بالكافرين) بونلر طبق اوقورقونج کیمسلر کبی درکه فورطنه لی کیجه لرده، ارض وسما بر برینه قاریشدیغی وقت، کوک کوزلملری، ییلدی رملر اورتله دهشت ویردیکی آنده صاعقه لرک دهشتندن، اولوم قورقوسندن اوکورولتولری ایشتمه مک ایچون قولقلرینی طیقارلر. هیچ قولاغی قیامقله اصابتی مقدر اولان صاعقه دن قورقولمق ممکن میدر؟ علم سبحانی اوکفر ایلر، خیانتله طولو قبلرک خفایاسنه واقفدر، بتون اقوال و افعال بشری محیطدر، زمانی کلنجه عذابندن قورقولمق امکانی یوقدر.

جدید ایله موسم روح افزای بهاری تریه ایلدیکې کې حقیقته اطلاع ادراك ضعیف بشرک پرواز ایدمه مدیکې قدر دخی بعضاً اولورکه بر لطف نوین ایله متمم ایتک ایچون طبع بشرک ظاهره باقوبده بادی امرده خشنود کورنمدیکې بر صورتده تجلی ایدر . بو قیلدن اوله رق بر مدت بزدن حسن طالع یوز جویرمش کې کورندی ، اولکی خالک بر خیال المناکندن بشقه بر شی قلمدی . آرهدن بر مدت کچدی ، لالامز سعید وفات ایلدی . کندمزی انجق کچدیره بیله جک اولان شو بر قاچ شی ، عائله ایچنده عائله پیدا اولدینی و هیچ بریمزک شو اثر عاطفت پدردن بشقه برمدار تعیشی ، برپنا کاهی اولیوب جمله مزک کچمسی بوکا منحصر بولندینی جهته اداره مزه یتشمز اولدی . بو عارضه پی ده عائله مزک معیشتجه مهم بر حادثه تشدید ایلدی .

او آرهلوق حکومت سینه جه سلطان احمد جوارنده بر تسویه لزوم کورنمکه سالف العرض دکانک قارشوسنده کی اطهده بولنان دکاندر هدم ایدیلهرک میدانه الحاق اولنمش . جهت مقابلهده واقع دکاندرک سچاقلری کسلمش ، اوضرهده بولنان بزم دکانکده بالطبع سچاغی کسلمک ایجاب ایلمش . دکانک اوک طرفی مکر کهنه ایش . سچاق کسلور ایکن بتون بتون کوچوب کتمسونی ...

مستاجری بولنان ساقزلی یانی بدل اجاره نک ثلثانیله اودنمک اوزره تعمیرینی تعهد ایلمش . فقط مصارف تعمیریه نک حسابی کیم کوره جک . مرقومک انصافه کوره یوریدلش . صکره بومصارف بر خیلی زمان بتوب توکنمک بیلمدی . دکانک قسماً بدل ایجارندن تأدیات وقوعبولدجه بورج تنزل ایده جکنه قبارمق استعدادینی الدینی و قتلر بیله اولدی . آز قالدی که یانی آله جنی مقابلنده دکانی ضبط ایتسون . برکت ویرسون که ییچاره صفوت کې کریبانمز الی الابد بقال یانی نک دست تعدیسند قالدی .

زواللی صفوتک قورتلمدی کتدی کریبانی

دودست اصوادور اتمکجیدن بقال یانیدن

یانی نک صنعتی نقاللق اولدینی حالده کندیسند خیلیدن خیلی مؤرخلک مراقی وفلسوفلق نشووه سی وار ایدی . متفلسف وتاریخ ناشناس اولان یانی بوفلره دائر سوز سویله مکدن پک خوشلانور ایدی . هله مکتسباتی صرف مجهولاتدن عبارت بولنان بزسند کی مخاطبینی کورنجه عاداتا جوشار وبویولده ساعت رجه نفس توکتمکدن اوصاتق بیلمز ایدی . فلسفه وتاریخ نامنه اولان اوخرافه وافسانه لری بزنیجه مدت فرط لذتله استماع ایتدک و پک چوق کره اولوردی که : بونه عظیم معلوماتدر ، دیه حیرتله غرق اولورایدک . شویت مقتبس بزم اوزمانکی حیرتمزک ترجمان مؤداسی در :

دیردک صانه رق انی مهارت

یارب بونه علم نه فراست

اداره مز طارلاشدیغندن بروقتلر طبانجه ، قلنج ، قما ، انفه قوطیسی ، شال ، چبوق طاغی کې مخلفاتدن اولوب آرتق حالمزه

نسبتله زواند عد اولنان اوتنه بری شیلری صاتمغه باشلادق ، بوده بتدی . بوندن صوکره حالمزده ، قیافتمزده بتون بتون بیکسلاک نشانه لری کورندی . وقتیه بایراملرده سیرانلرده کندی حاللرنجه کیدیریلوب قوشادیلور ولالالری اللرندن طوتوب کزدیریلور اولان شواکی یتیم ، اولیه کوندرده فلکک بونوازشنه نائل اولدقدن بشقه ایام سائرده دخی جالب مرحمت برحاله دوچار اولدیلر . نازمزی چکه جک ، آغوش عاطفته آتیه جق نه برپدر ، نه ندای حزینانه مزی ایشیدیر بر فریادرس وارایدی . اوزمانک حافظه مده محکوک خاطرات تأثرنددرکه نه وقت براوکسر کورسهم ایچم تتر ، همان تطیب خاطرینه شتابان اولورم .

بر آز وقت اومزک قارشوسنده جانفدا خاتون مکتبه کلوب کیتمشیدک . صوکره بنی فاتح جوارنده حافظ پاشا مکتبه ویردیلر . مکتبک خواجه سی سلطان سلیم جامع شریفی باش امامی حافظ اسماعیل افندی مرحوم ایدی . اوراده قرآن کریمی حفظ ایتدم . صوکره تعلیم اوقودم . تعلیم : وقف محللرینی و اوزرلرینه موضوع سجاوندلرک نوعی بلله یهرک قرآن کریمی تجوید اوزره اوقومقده رسوخ پیدا ایتدیرن اصوله اطلاق اولنور .

استطراد

[علم تجوید وقرائنده بیان اولندینی اوزره وقف : برکله پی مابعدندن سکتة طویله ایله قطع ایتکه دینور . وقف انجق معناسی تام اولان شی اوزرینه اولور . بعض علماء تجوید وقفی : لازم ، مطلق ، جائز ، مجوز لوجه ، مرخص ضرورة نامبریه بشه تقسیم ایتش ووقف لازمه «م» ، مطلقه «ط» ، جائزه «ج» ، مجوزه «ز» ، مرخصه «ص» حرفلریله اشارت ایلمشدر . وقف محللرینی کوسترن بواشارتله «سجاوند» دینور .

وقف لازم او وقفدرکه ایکی طرفی وصل ایدلسه معنی تغیر ایدر وسوزک حلاوتی زائل اولور . وقف مطلق : مابعدیله ابتدا مستحسن اولان وقفدر . وقف جائز اودرکه ایکی طرفدن ایکی موجبک تجاذبه مبنی کندیسند وصل وفصل جائز اولور . وقف مجوز لوجه اودرکه بروجه مبنی کندیسند وقف تجویز اولمشدر . ضرورة مرخص اولان وقف اودرکه طوریلان محک مابعدی مابعدندن مستغنی دکل ایکن کلامک اوزامسندن طولایی نفسک انقطاعی جهتیله طورلغه مجبوری حاصل اولسنه مبنی اکا رخصت ویریلور .

وقف اولنیه جق یرلره «لا» اشارتی وضع اولنور . (لا وقف علیه) دیمکدر . بواشارت بعض آیت باشلرینه ده وضع ایدیلور وبوندن مقصد ، آیت ثانیته برنجی آیه لفظاً ارتباطی بولندیغندن ایکی طرفک وصلنه اشارت ایتمکدر . فقط رأس آیت اولوق اعتباریه اوکی یرلرده وقف حسن ، ومابعدلریله ابتدا مستحسندر . شو حالده اوه ثللو مواضعده ، آیتین آرهنده کی ارتباط لفظی به نظر آ وصل اولنه بیله جکی کې رأس آیت اولوق اعتباریه وقف ایدلسه ده اولور . انتهى]

خلقت اولامشده شو آهنگدار، شو محکم ابداع باصره پیرایه جلوه زار اولمش ؟

ایشته مادیونه بوسؤاللر ایراد اولنجه جان آلهجی طمارلرینه باصلدیغنی آکلارلر ؛ لکن ینه صیقیلمایهرق دیرلرکه : بونلرک کافهسی قانون انتخاب طبیعی سایهسندده حصول بولمشر انتخاب طبیعی قانونی نه ایش دییه جکسکز اوله می ؟ ها ! انتخاب طبیعی شودرکه طبیعت دائمی برترقیه سوق اولنمشر ؛ ایی سچهرک آلمایه ، کوتوی برافایه میالدر . بونک ایچون دائما کاملدن اکله میل واکا طوغرو سیر ایدر

ایهاالعقلاء ، هیچ بوهدیانلر جواب دییه قبول اولنورمی ؟ سزه شمندوفر نه ایچون یوروپور ؟ دین آدمه اوٹ زیرا یورومیه ، اووالری قطع ایتمیه میالدرده اونک ایچون ، جوابی ویره بیلیرمیسکز ؟ حقیقتدن بحث ایتمک صدندن بولنان برعاقلدن بویله بر جوابک صدوری قابلمیدر ؟ لکن بزاونلره طبیعتی بویله برقیه ، تکمله ، اجزای کائنات آره سندن دائما افضل واصلی انتخابه سوق ایدن سائق ندر ؟ دییه صورارسهق بزمله یکزبان اوله رقی ایشته اوسائق بوتون اشیا اوزرنده کیف مایشاء اجرای تصرف ایدن ، بوتون اشیا اوزرنده حکمی یورودن ، بوتون اشیایی محیط اولان ید قدرت آلله در دییه جکلرمی ؟ طبیعتک بوانسیاقی ، طریق تکملده کی بوتوقیسی بوتون اکوان اوزرنده حائر تصرف اولوب اونلری علم و حکمت ازلیسی اقتضاسنجه سوق واداره ایدن بر آله مطلقک وجودینه جرحی ناقابل بر دلیل حسی ، بر برهان مشهود اولمازمی ؟

قانون انتخاب طبیعی مادیونک اک مشکل زمانلرده التجایستدکلی کریز کاهلریدرکه بونکده وجود خالق ذوالجلالی استدلال ایچون اک واضح بر دلیل اولدیغنی آکلایشیلدی . مادیوندن برینی یاقه لارده مناظرده بونقطهیه کتیررسه کز باقارسکز حریفک بتی ، بکزی اوچمش ، قوای عقلیه سی تارمار اولمش ، غایت مشکل بر موقع ملزمیتده بریشان بر حالده قالمش سزه زیرافت ایله ستوقک شو سوزلرینی تکرار ایدیور : « او حالده نهدن بوقوه خالقه اسمنی آتشین حروف ایله سمایه یازمدی ؟ »

باقیکز شو فیلسوفلرک ، تربیه لرینک ، ذکالرینک پارلاقلغه ، سرد ایستدکلی شهاک درجه اهمیتته ، باقیکزده عبرت الیکز ؛ یارب ، یول سنک یولکدن باشقه سی دکلدر ؛ بزى طاقتمزک فوقنده اولان بوکی سفیل هدیاندردن صیانت ایت . لکن بو آدملر ، غایت مصنع برکوشک کوروبده اونک هیچ برصانک اراده واختیاری لاحق اولمقسنزین کندی کنسینه قورولیویردیکنه ذاهب اولان شاشقینه نه قدرده بکزیورلر ! شمدی بویله برده باده بولنان حریفه اعتراض اولنسه ، سوزی استخفاف ایدلسه هیچ اوتانماز ، بلکه یوزسز بر آبدالك یابه جنی کی یاغارهیه باشلایهرق دیرکه : اکر بوکوشکک دیدیککز کی بریاچیسى اولسه یدى البته طواننه قدیللرله اسمنی یازاردی

کتاب اللهی مواجهه استاذده از بردن تلاوت ایلدیکمز اثنا دوقف ایستدیکمز محللرده کی سجاوندک نوعی علی الاکثر صورارایدی . مابعدی وار برکت زاده : اسماعیل صفی

حدیث فکر

مادیونک شهاکله آنلرک بطلانی

مع مافیه بز بونلرک هپسنى برافه لمده بلااستنا هرقلی اشغال ایدن ، هر خاطره خطور ایدن شومهم سؤاللره جواب ویرملرینی کندیلرندن رجاده بولنلم :

عجا حد ذاتنده سامعندن ، باصره دن نصیبی اولیان ماده نصل اولدی ده شو کائنات بدیی ، شو وجود معظمی اشکال وکیفایتنده کورولن اونامتناهی تباینله ، تنوعیه ابداعه قادر اولدی ؟ کوزیمزله کورویورزکه ماده بر طاقم احکام وقوانینه منقاد اولمشده اونلر واسطه سیله منطقی نسبتلر ، معتدل حدودلر دائره سنده تشکلاته مظهر اولمقده در . پک اعلاه نصل تصور اولنه بیلیرکه ادراک وتعلقل نعمتدن محروم اولان برشی کندیلکندن فالقسونده عقول بشری مبهوت ایدم جک صورتده برغایه کاله طوغرو ایلرولسون کیتسون ؟ نصل اولورکه عقل وادراکدن عاری اولان ماده انسان کی عقل وادراک خصائصندن متمتع بر عالم ، بر نسخه کبری وجوده کتیرسون ؟ نصل اولورکه ماده حکمتک معناسنی بیلمز ، اونی حس ایتمزایکن حکیمانه برطاقم قوانین ایله اجرای حکم ایتسون ؟ نصل اولورکه ماده نظامک نه اولدیغندن خبردار دکل ایکن تکوین ایتدیکی مکونات آره سنده بویله بر آهنگ ، بویله بر نظام حکمفرما اولسون ؟

زیرا بزکوزیمزله کورویورزکه جماداتدن نباتاته ، حیواناته ، انسانه وارنجیه قدر بوموالید اربعة کائناتک هربری حس اولنور برترقیده همده سویره تصور دن پک یوکسک بولنان برغایه کاله طوغرو علی الدوام ترقیده در . نصل اولورده غیر مدرک اولان ماده عمیا کندیلکندن بویله برسبیل برقی تعقیب ایدر طورور ؟ نصل اولورده طومقندن ، اکلامقندن معری بولنان ماده نباتات ، حیوانات جمادات عالمنده بوقدر مبدعات یارادیر ؛ صوکره اونلرک هر برینه محتاج اولدیغنی وسائط حیاتی حفظ نوعی ، اسباب بقای ، وسائل ارتقای افاضه ایدر ؟ نصل اولورده بصیرتن ، حیاتدن نصیبی اولیان ماده انسانده و حیوانده کندیلرینی محیط اولان اشیایی تمیز ایدم بیلیمک ایچون اک بدیع برتریب ، اک مکمل بر نظام ایله بوقدر مدققانه ، بوقدر ماهرانه حواس ابداعه ظفر یاب اوله بیلیر ؟ نصل اولیورکه بوحواس ، بواجهزه ، بوتون بواجزای بدن افکاره طور غولقل ویره جک بر ترکیب اکمل ایله ترکیب ایدیورده ایچلرندن هیچ بری وظیفه دن خالی بولونمور ؛ قرینی اولدیغنی جزئک آهنگنی خللدار ایتیمور ؟ نهدن بوعالم طبیعت هول انکیز بر خلیسطه